

**E parti karibense di Reino tin un tradishon i práktika periodístiko riku, ku periodista ku ta duna notisia sólido i kreadónan di notisia pashoná. Pa periodismo a base di investigashon, pa reportahe ku ta bai mas profundo ku notisia i pa desaroyo profeshonal di periodistanan lokal, no semper tin suficiente espasio. Fondo di Proyektonan Periodístiko Ekstraordinario (Fondo BJP) ta komprometé su mes pa krea e espasio akí pa periodistanan i kreadónan den periodismo di e seis islanan karibense di Reino, den forma di un areglo di subsidio i sosten na midí pa proyektonan individual.**

For di aña 1990, Fondo BJP ta sostené periodista i kreadónan di notisia pa asina krea produkshonnan mas ekstenso manera dokumental, reportahe (digital), podcast, artíkulo i buki. Nos ta invertí ademas den desaroyo di talento i kresementu profeshonal otorgando stazje i bekanan pa formashon. Nos ta organisá finalmente aktividatnan pa stimulá kolaborashon den Reino i asina fortalecé e sektor periodístiko lokal. Tur e areglonan akí ta aksesibel pa periodistanan di Reino Hulandes; tanto pa esnan europeo komo pa esnan karibense (Aruba, Kòrsou, Sint Maarten, Boneiru, Statia i Saba).

### **Sosten na midí**

Komo ku nos a konstatá ku e areglonan pa Hulanda no semper ta adaptá na e práktika- i nesesidatnan di e islanan karibense, nos a bin ta enfoká for di 2025 riba areglo- i ofertanan ku ta na nan midí. Di e manera akí, nos di Fondo BJP ta purba pa adaptá e posibilidatnan ku e fondo ta ofresé ku práktikanan periodístiko den Karibe, di un forma mas optimal. Nos ta hasi esaki den konsulta estrecho ku periodista-, kreadó- i otro profeshonalnan interesá den periodismo i e medionan di komunikashon di e seis islanan.

Nos lo sigui ofresé e oportunidatnan akí den 2026 pa asina sigui sostené periodistanan karibense di Reino.

Bo tin kualke pregunta òf komentario? Manda un e-mail na [cariben@fondsbjp.nl](mailto:cariben@fondsbjp.nl).